

যুগান্তর

প্রিন্ট: ১৯ অক্টোবর ২০২৫, ০৯:৪০ এএম

শিক্ষাঙ্গন

এইচএসসিতে ধস নামল পাশের হারে, কমল কত শতাংশ?



যুগান্তর প্রতিবেদন

প্রকাশ: ১৬ অক্টোবর ২০২৫, ১০:১৮ এএম



২০২৫ সালে উচ্চমাধ্যমিক সার্টিফিকেট (এইচএসসি) ও সমমানের পরীক্ষার ফলাফল প্রকাশিত হয়েছে। ১১টি শিক্ষা বোর্ডে এ বছর গড়ে পাস করেছেন ৫৮.৮৩ শতাংশ শিক্ষার্থী।

এবার এইচএসসিতে পাসের হারে ধস নেমেছে রীতিমতো। গেল বারের তুলনায় প্রায় ১৮.৯৫ শতাংশ শিক্ষার্থী কম পাস করেছে চলতি বছর।

আজ ১৬ অক্টোবর সকাল ১০টায় দেশের সব শিক্ষা বোর্ডের ওয়েবসাইট, সংশ্লিষ্ট সব পরীক্ষাকেন্দ্র, শিক্ষাপ্রতিষ্ঠান ও এসএমএসের মাধ্যমে এই ফলাফল প্রকাশিত হয়।

১১টি শিক্ষা বোর্ডের অধীনে ২০২৫ সালে পরীক্ষায় অংশ নিয়েছেন সব মিলিয়ে ১২ লাখ ৫১ হাজার ১১১ শিক্ষার্থী। তার মধ্যে পাস করেছেন ৫৮.৮৩ শতাংশ।